



MAmertinus corporis & animi rara fortitudi-
 ne præditus fuit. Hisce etiam literarum co-
 gnitionem & pietatem uitæ adiunxit. Itaque cum
 Athila Hunnus Pannoniam utramq; & Noricum
 uastaret, ipse militum tribunus factus fortiter cum
 alijs ei restitit. Cum autem is uita functus esset, atq;
 prouinciæ ad tempus quiescerent, Deo gratias e-
 git, ac animum ad sacras literas appulit. Id cum S.
 Seuerinus intellexisset, eum Fabianis, municipio
 in collimitijs Pannoniæ & Norici, Episcopum or-
 dinauit Gelasio Pontifice adsentiēte, circa annum
 Christi quadringētesimum sexagesimum sextum.
 Itaq; Mamertinus magna diligētia eam Ecclesiam

uerbo Dei plantauit, atq; plurimos ab Idolorum cultu ad Christum conuer-
 tit. Postea successit

2 Marcianus.